

## Von der Bus.

Unser Schuld ist sehr groß vnd schwer/ Von vns nicht auszurechnen :/: Doch deine Barmherzigkeit mehr/ Die kein Mensch kan aussprechen. Die suchen vnd begeren wir/ Hoffen du werdest Herr an dir/ mit nicht lassen gebrechen.

Du wilt nicht das der Sünder sterb/ Vnd ins Verdamnis fahre :/: Sondern das er mehr gnad erwerb/ Vnd sich darinn bewahre. So hilff vns du O HErr Gott / Das vns nicht der ewige Todt/ in Sünden widerfahre.

Vergib/ vergib vnd hab gedult/ Mit vns Armen vnd Schwachen :/: Laß deinen Sohn all unser Schuld / mit seim Verdienst schlecht machen. Nim unser Seelen eben war/ Das jr kein Schaden widerfahr/ Von dem Hellschen Drachen.

Wenn du nun für Gerichte gehn/ Vnd mit vns woltest rechten :/: O wie würden wir da bestehn/ Vnd wer würd vns versecten? O HErr sich vns Barmherzig an/ Vnd hilff vns wider auff die Bahn/ Zur Pforten der Gerechten.

Wir opffern vns dir arm vnd bleiß/ Durch reu nider geschlagen :/: O nim vns auff in deinen Schoß/ vnd laß vns nicht verza-gen. O hilff das wir getrost vnd frey/ Ohn arge list vnd Heuchley/ dein Joch zum Ende tragen.

Sprich vns durch deine Boten zu/ bezeug unser Gewissen :/:  
Stell